



漢雋卷第三

國士篇

國士

韓信傳國士無雙師古曰為國家之奇士

茂士

朱邑傳廣延茂士師古曰茂善也

天士

李尋傳拔擢天士李奇曰天士知天道者也

游士

張良傳天下游士

先進

翟方進傳宿儒胡常與方進同經常為先進名譽出方進

下師古曰常官學雖在前而名譽不及方進

後進

匡衡傳後進皆欲從衡平原

後進生

何武傳後進生何知師古曰言仕學未久故謂之後進

生也

鴻生鉅儒

校獵賦鴻生鉅儒俄軒冕雜衣裳

醇儒

賈山傳不能為醇師古曰醇者不雜也

鯁生

張良傳鯁生說我服虔白鯁小人也師古曰音才垢反

小生

朱雲傳小生迺欲相吏邪師古曰小生謂其新學後進言

欲以我為吏乎張禹傳新學小生

人豪

張耳傳非人豪也

非庸人

雋不疑傳勝之知不疑非庸人師古曰庸常也

承學

董仲舒傳留聽於承學之臣師古曰言轉承師說而承學

之謙辭也

子大夫

武紀此子大夫之所睹聞師古曰子者人之嘉稱大夫

舉官稱也志在優賢故謂之子大夫也

豎儒

高紀豎儒幾敗乃公事師古曰言其賤劣無智若童豎

腐儒

黠布傳為天下安用腐儒師古曰腐者爛敗言無所堪任

鄙儒

叔孫通傳若真鄙儒師古曰鄙言不通

細士

兩粵傳近細士信諛臣師古曰細士猶言小人也

鼎士

鄒陽傳武力鼎士師古曰鼎士舉鼎之士也

丈人

疏廣傳宜從丈人所勸說君師古曰丈人嚴莊之稱也故

親而老者皆稱焉

游子

高紀游子悲故鄉

惡子

尹賞傳輕薄少年惡子師古曰惡子不承父母教命也

賤子

樓護傳邑居尊下稱賤子上壽師古曰言以父禮事

公子

貨殖傳宛孔氏有游間公子之名師古曰公子者公侯貴

公之子也言其舉動性行有似之也若今言諸郎矣

王孫

韓信傳哀王孫而進食蘇林曰王孫言如公子也

父師

叙傳是所望於父師矣師古曰齒為諸父尊之如師故曰

父師

亞父

高紀亞父范增如淳曰亞次也尊敬之次父猶管仲為仲

父

黃耆

師丹傳為國黃耆師古曰黃耆老人之稱也黃謂白髮落

更生黃者也耆老人面色不淨如始也

遺老

劉向傳宗室遺老

使君

王訢傳使君顛殺生之柄師古曰為使者故謂之使君

君侯

劉屈氂傳君侯長何晏乎如淳曰漢儀注列侯為丞相稱

君侯師古曰揚惲傳丘常謂惲為君侯是則通呼列侯之尊稱

耳非必在於丞相也

宗臣

曹參贊為一代之宗臣師古曰言為後世之所尊仰故曰

宗臣也

信臣

韓信傳使其信臣師古曰常所親信之臣

寶臣

杜周傳誠國家雄俊之寶臣也

疇人

律歷志疇人子弟分散師古曰家業世世相傳為疇

稠人

灌夫傳稠人廣眾師古曰稠多也

伍人

尹賞傳亭長里正父老伍人師古曰五家為伍伍人者各

其同伍之人也

下人

許宣后傳下人乃關內侯師古曰人材下劣

宵人

武五子傳母邇宵人應劭曰無邇近小人也

殘人

杜周傳許商被病殘人服虔曰殘瘡也

石人

灌夫傳且帝寧能石人邪師古曰言徒有人形耳不知能

好惡也一曰石人者謂常存不死也

衡人

賓戲從人合之衡人散之

擾人

揚雄傳擾人亡則匠石輟斤而不敢妄斲服虔曰擾古之

善塗墍者也施廣領大袖以仰塗而袖不汚有小飛泥誤着鼻

因令匠石揮斤而斲知石之善斲故敢使之也師古曰墍門今

之仰泥也擾収拭也故謂塗者為擾人擾音乃高反又迺回反

今書本人字有作郢者流俗改之墍許既反

榜人

子虛賦榜人歌聲流唱張揖曰榜船也月令云命榜人榜

人船長也師古曰榜音謗又方孟反

家人

郊祀志家人尚不欲絕種祠師古曰家人謂庶人之家也

桀布傳為家人時師古曰猶言編戶之人也齊王肥傳如家人

禮師古曰以兄弟齒列不從君臣之禮故曰家人也轅固傳此

家人言其師古曰家人言僮隸之屬

家人子 馮唐傳士卒盡家人子師古曰家人子謂庶人之家子也

窶人子 霍光傳諸儒生多窶人子師古曰窶貧而無禮音其羽反

名族 項籍傳我倚名族

宗英 叙贊河間為漢宗英

翰林主人子 墨客卿 長楊賦籍翰林以為主人子墨為客卿以風

循吏 傳師古曰循順也上順公法下順人情也

邑子 尹翁歸傳于定國欲屬託邑子兩人師古曰邑子同邑人之子也

里中子 酈食其傳沛公麾下騎士適食其里中子

重客 高紀閭令有重客

揖客 汲黯傳大將軍有揖客

執事 鼂錯傳毋枉執事張晏曰毋為有司枉撓也

門下 相如傳臨邛諸公皆因門下獻牛酒父驩

左右 子虛賦以娛左右師古曰謙不斥言使者故指云其左右也

下走 蕭望之下走將歸延陵之臯師古曰下走者自謙言趨走也

之役也

下輩

灌夫傳薦寵下輩師古曰下輩下等之人也

下陳

班婕妤賦充下陳於後庭師古曰陳列也

豪史

曹參傳居縣為豪史師古曰為吏之豪長也

肆臣

武五子傳閭閻之肆臣耳師古曰肆賤也

弄臣

申屠嘉傳此吾弄臣君釋之

嬖臣

項籍傳申陽張耳嬖臣也師古曰嬖謂愛幸也

生

高紀以萬戶封生師古曰生猶言先生貢禹傳朕以生有伯夷

之廉師古曰生謂先生也

先

梅福傳叔孫先非不忠也師古曰先猶言先生也一曰先謂於

秦時

臣

高紀呂公曰臣張晏曰古人相與語多自稱臣自卑下之道也

若今人相與言自稱僕也

蒙

長楊賦蒙竊惑焉師古曰蒙自謂蒙蔽也

僕

韓王信傳陛下擢僕閭巷

孚

五行志夷伯季氏之孚也師古曰孚信也所信任之臣也

芻蕘

賈山傳芻蕘採薪之人師古曰芻刈草也蕘草薪也言執

役者也

阜隸

劉向傳降為阜隸師古曰阜隸卑賤之人也春秋左氏傳

曰大夫臣士士臣阜阜臣與與臣肆也貨殖傳至于阜隸師古

曰阜養馬者也隸之言著也附著於人也

三老五更

禮樂志養三老五更於辟廱鄧展曰漢以一公為

三老用大夫為五更毋常大行禮乃置師古曰鄭玄說云三老五更謂老人更知三德五事者也更音工衡反蔡邕以為更當作叟叟老人之稱也

鷓夷子皮

貨殖傳適齊為鷓夷子皮師古曰自號鷓夷者言

若盛酒之皮多所容受而可卷懷與時張弛也鷓夷皮之所為故曰子皮

卿子冠軍

高子羽矯殺卿子冠軍文穎曰卿子時人相襲尊

之辭猶言公子也時上將故言冠軍

滄海君

張良傳東見滄海君晉灼曰海神也如淳曰東夷君長

也師古曰蓋當時賢者之號

奉春君

高紀拜蒯敬為奉春君張晏曰春歲之始也今蒯敬發

事之始故號曰奉春君也

羹頡侯

楚元王傳封其子信為羹頡侯師古曰頡音戛言其母

戛羹金也

千里駒

劉德傳武帝謂之千里駒師古曰言若駿馬可致千里

也岸齒幼少故謂之駒

冀土臣

東方朔傳冀土愚臣忘生觸死

兩雄

酈食其傳兩雄不俱立

若曹

東方朔傳上以若曹無益於縣官師古曰若汝也曹輩也

羣兒

霍光傳羣兒自相貴耳

大猾

叔孫通傳刺言大猾何也師古曰狡猾之人

惡少年

昭紀發三輔及郡國惡少年屯遼東師古曰惡少年謂

無賴子弟也

少從

張騫傳其少從率進孰於天子師古曰漢時謂隨使而出

外國者為少從總言其少年而從使也從音材用反

山郎

楊惲傳郎官故事令郎出錢市財用給文書迺得出名曰

山郎張晏曰山財用之所出故取名焉

都匠

王莽傳封都匠仇延師古曰都匠太匠也

都養

兒傳嘗為弟子都師古曰都凡衆也養主給烹炊者也

貧無資用故供諸弟子享炊也養音弋向反

賈豎

張良傳其將屠者子賈豎易動以利師古曰商賈之人志

無遠大譬猶僮豎故曰賈豎

屠伯

嚴延年傳流血數里河南號曰屠伯鄧展曰言延年殺人

如屠兒之殺六畜伯長也

禿翁

灌夫傳與長孺共一禿翁服虔曰禿翁言嬰無官位版綬

也張晏曰嬰年老又嗜酒頭禿言當共治一禿翁也師古曰服

說也

士伍

丙吉傳長安士伍尊上書師古曰先嘗有爵經奪免之而

與七卒為伍故稱士伍

伍中 竇后傳必置我籍趙之伍中師古曰伍猶列也

博徒 袁盎傳劇孟博徒服虔曰博戲之徒也

白衣 龔勝傳聞之白衣師古曰白衣給官府趨走賤人若今諸

司亭長掌固之屬

敝國 吳王傳敝國雖狹

反虜 吳王傳勸士大夫擊反虜

掃除之隸 司馬遷傳今已虧形為掃除之隸

刀鋸之餘 袁盎傳柰何與刀鋸之餘共載司馬遷傳柰何令

刀鋸之餘薦天下豪雋哉

蕭公 高紀令蕭公擊彭越孟康曰蕭令也時令皆稱公

南公 項籍傳南公稱曰服虔曰南公南方之老人也

鄧先 鼂錯傳公卿言鄧先師古曰鄧先猶云鄧先生也一曰先

者其名也

魏倩 朱邑傳陳平須魏倩而後進師古曰倩士之美稱故云魏

倩也常氏便以為無知之字非也譬猶謂汲黯為汲直黯豈字

真乎且下云蕭公亦非何之字也

汲直 賈捐之傳置之爭臣則汲直張晏曰汲黯方直故世謂之

汲直

孟卿 孟喜傳父號孟卿師古曰時人以卿呼之若言公矣

張楚

陳勝傳勝乃立為王號張楚劉德曰若云張大楚國也張
晏首先是楚為秦滅已弛今立楚為張也

支屬篇

支屬

項籍傳諸項支屬皆不誅

家屬

平紀四輔公卿大夫博士郎吏家屬陳勝傳將相家屬

五屬

韋玄成傳天序五行人親五屬師古曰五屬謂同族之五
服斬衰齊衰大功小功總麻也

末屬

劉向傳幸得同姓末屬

外屬

元后傳臣得以外屬兄弟七人封為列侯

支親

王莽傳竝錄支親

重親

惠張后傳呂太后欲為重親

睦親

韋賢傳漢之睦親師古曰睦密也言服屬近

六親

禮樂志六親和睦如淳曰六親賈誼書以為父也子也從

父昆弟也從祖昆弟也魯祖昆弟也謂傳奉六親應劭曰六親

父母兄弟妻子也

宗家

韋玄成傳賢門下與宗家計議師古曰宗家賢之同族也

宗禰

郊祀志鼎宜視宗禰廟師古曰宗謂先帝有德可尊者也

禰父廟也

支庶

盧綰贊慮流支庶

苗裔

表繼體苗裔又過秦論豈其苗裔邪

三綱

谷永傳勤三綱之嚴師古曰三綱君臣父子夫婦也

三族

高紀罪三族如淳曰父族母族妻族

骨肉

元紀骨肉相附人情所願也劉向傳得以骨肉備九卿

葭莩

王莽傳有葭莩之故師古曰葭蘆也莩者其筍裏白皮也

言其輕薄而附著也故以為喻中山王傳君臣非有葭莩之親

師古曰葭蘆也莩者其筍中白皮至薄者也葭莩喻薄

肺附

劉向傳臣幸得託肺附師古曰舊解云肺附謂肝肺相附

著猶言心膂一說肺謂斫木之肺札也自言於帝室猶肺舊附

於大材木也

託肺腑

王莽傳伏自惟念得託肺腑

外黨

石顯傳以顯久典事中人無外黨師古曰少骨肉之親無

婚姻之家

臯祖

反騷或臯祖於汾隅劉德曰臯始也

耳孫

惠紀内外公孫耳孫應劭曰耳孫者玄孫之子也言去其

曾高益遠但耳聞之也李斐曰耳孫曾孫也晉灼曰耳孫玄孫

之曾孫也諸侯王表任八世師古曰耳孫諸說不同據平紀及

諸侯王表梁孝王玄孫之子耳音仍又匈奴傳說握衍胸鞮單

于云烏維單于耳孫以此參之李云曾孫是也然漢書諸處又

皆云曾孫非一不應雜兩稱而言據爾雅曾孫之子為玄孫玄

孫之子為來孫來孫之子為昆孫昆孫之子為仍孫從已而數

是為八葉則與晉說相同仍耳聲相近蓋一號也但班氏唯存古名而計其葉數則錯也

從祖

劉澤傳高祖從祖昆弟師古曰言同曾祖從祖而別也

從父

劉賈傳荆王劉賈高帝從父兄師古曰父之兄弟之子為

從父兄弟也言本同祖從父而別

世父

王莽傳世父尸病師古曰謂伯父也以居長嫡而繼續也

察父哲兄

谷永傳察父哲兄師古曰察明也

大父行

鄭當時傳知友皆大父行師古曰大父祖父也行音胡

浪反

丈人行

蘇武傳漢天子我丈人行也師古曰丈人尊老之稱

子行

孔光傳定陶王於帝子行師古曰行胡浪反

迺翁

項籍傳必欲烹迺翁師古曰迺亦汝也

迺公

張良傳上曰迺公自行耳師古曰乃公汝父也

大人

淮陽王欽傳王遇大人益解師古曰大人博自稱其母也

大母

文三王傳李太后親平王之大母也師古曰大母祖母也

民母

衛青傳民母之子皆奴畜之服虔曰民母嫡母也師古曰

言鄭季正妻本在編戶之間以別於公主家也

假母

衡山王傳賊傷后假母師古曰繼母也一曰父之旁妻

諸母

高紀父老諸母故人曰樂飲

昆弟語

衡山王傳淮南王迺昆弟語除前隙師古曰為相親愛

之言

昆弟飲

竇嬰傳因燕昆弟飲師古曰序家人昆弟之親不為君

臣禮也

手足戚

田儋傳田假於楚趙非手足戚臣瓚曰非手足之親

同胞

東方朔傳同胞之徒無所容居蘇林曰言親兄弟

尊章

廣川王傳皆尊章師古曰尊章猶舅姑也今關中俗婦呼

舅為鐘鐘音章聲之轉也

先後

郊祀志長陵女子呂乳死見神於先後宛若孟康曰兄弟

妻相謂先後宛若字也師古曰先音蘇見反後音胡構反古謂

之娣姒今關中俗呼為先後吳楚俗呼之為妯娌音軸里

娣姪

杜周傳娣姪雖缺不復補師古曰兄弟之女則謂之姪已

之女弟則謂之娣

丘嫂

楚元王傳過其丘嫂食應劭曰丘姓也孟康曰西方謂亡

女婿為丘婿丘空也兄亡空有嫂也張晏曰丘大也長嫂稱也

師古曰史記丘字作巨丘巨皆大也張說得之

大姊

景王后傳帝下車立曰大姊何藏之深也

子姓

田蚡傳如子姓師古曰姓生也言同子禮若已所生

壤子

鄒陽傳壤子主梁代晉灼曰揚雄方言梁益之間所愛謂

其肥盛曰壤

贅子

嚴助傳民得賣爵贅子以接衣食如淳曰淮南俗賣子與

人作奴婢名為贅子三年不能贖遂為奴婢師古曰贅質也一說云贅子者謂令子出就婦家為贅婿耳

所子

弟子以為子

宣紀封賀所子弟子彭祖為陽都侯師古曰所子者言養

嗣子

嗣者也

淳于長傳紅陽侯立嗣子融師古曰嗣子謂嫡長子當為

餘子

食貨志餘子亦在于序室蘇林曰未任役為餘

子舍

諸房矣

石奮傳入子舍師古曰入諸子之舍自其所居也若今言

子同產子

平紀今諸侯王公列侯關內侯亡子而有孫若子

同子產者皆得以為嗣師古曰子同子產者謂養昆弟之子者

兒子畜之

高五王傳高后兒子畜之師古曰比之於子也

子昆弟

高五王傳與其子昆弟姦師古曰燕王定國傳云與

其子女三人姦子昆弟者言是其子女又長幼非一故云子昆弟也一曰子昆弟者定國之姊妹也言定國姦其子女及其姊妹

孽孫

韓王信傳故韓襄王孽孫也師古曰孽謂庶耳

外孫

委敬傳外孫為單于

細君

東方朔傳歸遺細君師古曰細君朔妻之名說細小也朔

輒自比於諸侯謂其妻曰小君

外婦 高五王傳高祖微時外婦也師古曰謂與旁通也

小婦 元后傳小婦弟張美人師古曰小婦妾也

傍妻 元后傳多取傍妻

息女 高紀臣有息女師古曰息生也言已所生之女

出 五行志子昴楚之出也師古曰姊妹之子曰出

子壻 張耳傳體甚卑有子壻禮

友壻 嚴助傳為友壻富人所辱師古曰友壻同門之壻

出贅 賈誼傳家貧子壯則出贅應劭曰出作贅壻也師古曰謂

之贅壻者言其不當出妻家亦猶人身體之有朮贅非應所有

體近

也一說贅質也家貧無有聘財以身為質也

宣許后傳為言曾孫體近師古曰言曾孫之身於帝為近

親

累重

西域傳募民壯健有累重敢徙者詣田所師古曰累重謂

妻子家屬也趙充固傳終不敢將其累重師古曰累重謂妻子

也累音力瑞反重音直用反

種祠

郊祀志家人尚不欲絕種祠師古曰種祠繼嗣所傳祠也

無種

汲黯傳公以此無種矣師古曰言當誅及子孫也

無類

周勃傳吾屬無類矣師古曰云被誅滅無遺種實嬰傳則

妻子無類矣師古曰言無遺類也

噍類

高紀攻襄城無噍類如淳曰噍音祚笑反無復有活而噍食者也青州俗呼無子遺為無噍類

無炊火

武五子傳趙氏無炊火焉師古曰無炊火言絕祀也

良人

上官后傳內與父諸良人侍御皆亂師古曰良人謂妾也

侍御則兼婢矣

箕帚妾

高紀願為箕帚妾

處妾

五行志處妾遇之而孕師古曰處妾宮中之童女

侍兒

袁盎傳從史盜私益侍兒文穎曰婢也

傳婢

王吉傳崇為傳婢所毒師古曰凡言傳婢者謂傳相其衣服在席之事一讀傳曰附近幸也

衆婢

禮樂志衆婢並綽奇麗孟康曰婢好也師古曰謂供神女樂並好麗也

漂母

韓信傳有一漂母哀之韋昭曰以水繫絮曰漂師古曰漂

音匹妙反

里母

蒯通傳里母非談詠之士也

里婦

又傳臣之里婦與里之諸母相善

媪

高紀母媪文穎曰幽州及漢中皆謂老媪為媪孟康曰媪音烏

老反

負

高紀常從王媪武負昔酒如淳曰俗謂老大母為阿負

兒女子

高紀此非兒女子所知

兒婦人 王陵傳兒婦人口不可用

女曹兒 灌夫傳迺效女曹兒師古曰女曹兒猶言兒女輩也

赤子 曹誼傳自為赤子師古曰赤子言其新生未有眉髮其色

赤

孩提 賈誼傳孩提有識師古曰孩小兒也提謂提撕之王莽傳

孩提之子師古曰嬰兒始孩人所提挈故曰孩提也孩者小兒

笑也

納采 平王后傳尚書令平晏納采師古曰納采者禮記云婚禮

納采問名謂采擇其可者

不行 宣王后傳所當適輒死故久不行

決嫁 張耳傳女聽為請決嫁之師古曰請決絕於前夫而嫁於

耳

連昏 王商傳大將軍鳳連昏楊彤為琅邪太守如淳曰連昏者

婚家之婚親也

為介 宣許后傳廣漢重令為介師古曰更令人作媒而結婚妯

房燕 霍后傳房燕寵之顯房燕

內顧 楊僕傳失期內顧師古曰言思妻妾也

禁內 上官后傳皆阿意言宜禁內

對食 趙后傳中宮史曹宮官婢道房与宮對食應劭曰宮人自

相與為夫婦名對食甚相妬忌也

宜子 谷永傳益納宜子婦人

嘗字 又傳母避嘗字如淳曰王鳳上小妻弟以納後宮以嘗字

乳玉章言之坐死今永為鳳洗前過也

生長 郊祀志匿其年及所生長師古曰生長謂其郡縣所屬及

居止處

孕重 匈奴傳匈奴孕重墮殯師古曰孕重懷任也墮落也殯敗

也音讀

免乳 宣許后傳婦人免乳大故十死一生師古曰免乳為產子

也乳音人喻反

就館 班婕妤傳再就館蘇林曰外舍產子也晉灼曰謂陽祿與

柘觀趙后傳廢後宮就館之漸元后傳張美人未嘗任身就館

勿舉 文三王傳懷子使勿舉師古曰不養也

免身 宣許后傳今皇后當免身

阿保 宣紀有阿保之功臣瓚曰阿倚保養也

賢知其母 嚴延年傳東海莫不賢知其母師古曰稱其賢智

也

庸奴其夫 張耳傳女甚美庸奴其夫師古曰言不恃賴其夫

視之若庸奴

粲而不殊 宣紀骨肉之親粲而不殊師古曰粲明也殊絕也

當明於仁恩不離絕也

析而不殊 武五子傳骨肉之親析而不殊師古曰析分也殊

絕也

臨親 劉澤傳田生子請張卿臨親修具師古曰親父也

冒姓 衛青傳青冒姓為衛氏師古曰謂假稱若人首之有覆冒

也

生分 地里志薄息禮分師古曰生分謂父母在而昆弟不同財

產

虞侍 元后傳擇可以虞侍太子者師古曰虞與娛同

臧獲 司馬遷傳臧獲婢妾應劭曰揚雄方言云海岱之間罵奴

曰臧罵婢曰獲燕之北郊民而壻婢謂之臧女而婦奴謂之獲

蒼頭廬兒 鮑宣傳蒼頭廬兒皆用致富孟康曰黎民黔首黎

黔皆黑也下民陰類故以黑為號漢名奴為蒼頭非純黑以別

於良人也諸給殿中者所居為廬蒼頭侍從因呼為廬兒臣瓚

曰漢儀注官奴給書計從侍中已下為蒼頭青幘

免奴 霍光傳取綬以并佩冒邑郎官者免奴師古曰免奴謂免

放謂良人者

監奴 又傳光愛幸監奴馮子都師古曰監奴謂奴之監知家務

者也

奴產子 陳勝傳徒人奴產子師古曰奴產子猶今人云家生奴

也

奴虜 項籍傳奴虜使之

桀黠奴 貨殖傳桀黠奴人之所患唯刁閭收取使之

廝養 張耳傳有廝養卒蘇林曰廝取新者也養養人者也師古

曰廝音斯

廝役 張耳傳賓客廝役

廝輿 嚴助傳廝輿之卒師古曰廝析新者輿主駕車者此皆言

賤役之人

家僮 衛青傳李與主家僮衛媪通師古曰僮者婢妾之摠稱也

童騎 張敞傳出從童騎師古曰童騎以童奴為騎而自從也

酒家保 樂布傳為酒家保孟康曰酒家作保保庸也可保信

故謂之保師古曰謂庸作受顧也保謂保可任保

巫兒 地理志襄公淮亂姑姑妹不嫁令國中民家長女不得嫁

名曰巫兒為家主祠

賢豪篇

賢豪 酈食其傳賢豪不敢役師古曰賢者豪者

豪英 又豪英賢材皆樂為之用

英雋 禮樂志進用英雋

雄俊 表內鋤雄俊又總帥雄俊杜周傳國家雄俊之寶臣

脩正 賈山傳求脩正之士師古曰脩正謂脩身正行者

若淑 相如傳罔若淑而不昌應劭曰若順也淑善也師古曰言

行順善者無不昌大

善祥 禮樂志議者以為善祥

精進 叙傳召屬縣長吏選精進掾史師古曰精明而進趨也

精悍 嚴延年傳為人精悍師古曰悍勁也

精白 賈山傳莫不精白以承休德師古曰厲精而為潔白也

醇謹 石奮傳慶醇謹而已師古曰醇專厚也

愿謹 鄧通傳通亦愿謹師古曰專謹曰愿音願又音原

陰重 周仁傳為人陰重不泄師古曰陰密也為性密重不泄人

言也

柔毅 趙充國傳辛慶忌柔毅敦厚師古曰和柔而能沈毅也

峭直 鼂錯傳為人峭直刻深師古曰峭字與峭同峭謂峻陁也

激卬 王章傳不自激卬如淳曰激厲抗揚之意也師古曰卬讀

曰仰仰頭為健楊雄傳激卬萬乘之主如曰激卬怒也師古曰

讀曰仰

倜儻 朱雲傳好倜儻大節師古曰倜音吐歷反

倣儻 子虛賦若乃倣儻瑰琦師古曰倣儻猶非常也

踔絕 孔光傳非有踔絕之能師古曰踔高遠也音竹角反

卓詭 劉輔傳其言必有卓詭切至當聖心師古曰卓高遠也詭

異於眾也

闊達 地里志舒緩闊達

醞藉

薛廣德傳為人温雅有醞藉師古曰醞言如醞釀也藉有所薦藉也醞於問反藉才夜反臣張孔馬贊其醞藉可也師古曰醞藉謂如醞釀及薦藉道其寬博重厚也

悃悃

劉向傳發憤悃悃張晏曰悃誠也悃緻密也師古曰悃悃至誠也悃音平力反

撿押

揚雄傳蠢迪撿押師古曰撿押猶隱括也押音押

底厲

鄒陽傳底厲名號者不以利傷行師古曰底厲言其自修廉隅若磨厲於石者

彫琢

司馬遷傳今雖欲自彫琢師古曰琢刻也音篆

長雄

鮑宣傳其地少豪俊易長雄師古曰長為之長帥雄為之

雄豪也

謙約

成許后傳謙約為右

周密

黃霸傳屬令周密師古曰周密不泄漏也

刻廉

朱建傳刻廉剛直

刻責

韓延壽傳痛自刻責

彊執

鄭吉傳為人彊執師古曰彊力而有執志者

操切

貢禹傳取勇猛能操切百姓者師古曰操持也切刻也操

音士高反

佚蕩

楊雄傳為人簡易佚蕩張晏曰音鐵謹晉灼曰佚蕩緩也

游閒

貨殖傳宛孔氏有游閒公子之名師古曰閒讀白閑言其

志寬大不在急促

齊栗

谷永傳左右齊栗之臣孟康曰齊栗言其整齊萬事常戰

栗謹敬也

骨體

杜周傳朝無骨體之臣師古曰體亦鯁字

倫魁

甘泉賦迺搜速索耦皇伊之徒冠倫魁師古曰言選擇賢

臣可匹耦於古賢皇伊之類冠等倫而魁桀

魁宿

尹賞傳賞所置皆其魁宿師古曰魁根本也宿久舊也

為魁

游俠傳閭里之俠原涉為魁師古曰魁者斗之所用盛而

杓之本也故言根本者皆云魁

絕倫

匡衡傳經學絕倫揚雄贊桓譚以為絕倫師古曰無比類

絕世

李夫人傳絕世而獨立

出右

高紀漢廷臣無能出其右者師古曰古者以右為尊言材

用無能過之者故云不出其右也

瘡人

汲黯傳亡以瘡人師古曰瘡勝也讀與瘡同

卓行

霍去病傳卓行殊遠師古曰卓亦遠意

雅行

卜式傳齊相雅行躬耕師古曰言其行雅正也

馴行

石奮傳以馴行孝謹師古曰馴順也

質行

又齊魯諸儒質行師古曰質重也

軼材

王軼傳有軼材師古曰軼與逸同

茂材

武紀茂材異等應劭曰舊言秀才避光武諱稱茂才

秀材

賈誼傳聞其秀材師古曰秀美也

角材

賈誼傳非親角材而臣之也師古曰角校也競也

資財

龜錯傳資財不下五帝師古曰資質也謂天子之財質

砥節

王尊傳砥節首公師古曰砥厲也

履方

馮奉世傳替參鞠躬履方師古曰履方踐方直之道也

裏誠

成許后傳將相大臣裏誠東中師古曰裏古懷字

畢誠

東方朔傳發憤畢誠

繁善

婁敬傳周積德繁善十餘世

德器

杜周傳俱有良子德器自過

國器

韓安國傳天子以為國器師古曰國器者言其器用重大

可施於國政也

資身

韓信傳無資身之策

兼人

又無兼人之勇

自負

高紀高祖乃心獨喜自負應劭曰自恃也

自將

兒寬傳有廉知自將師古曰將衛也以知自衛護也

自列

司馬遷傳拳拳之忠終不能自列師古曰列陳也

負俗

武紀士或有負俗之累而立功名晉灼曰負俗謂被俗譏

論也

反過

谷永傳改往反過

籍甚

陸賈傳名聲籍甚李康曰言狼籍甚盛

方聞 儒林傳詳延天下方聞之士師古曰方道也
有進及博聞之士也

領聞 揚雄傳君子純終領聞李奇曰領理所聞也師古曰領令也聞名也言君子之道不失令名

采榮 揚雄傳四皓采榮於南山師古曰榮者謂聲名也一曰榮謂草木之英采以充食

采譽 終軍傳干名采譽師古曰采取也

采名 又將幸誅不加欲以采名也

指名 項籍傳非世所指名

養名 朱博傳齊部舒緩養名師古曰言齊人之俗其性遲緩多

自高大以養名聲

埋名 翟義傳死國埋名師古曰埋名謂身埋而名立

徼名 揚雄傳不脩廉隅以徼名當世師古曰徼要也音工堯反

字或作激激發也

割名 又東方朔割名於細君師古曰損割其名

釣名 公孫弘傳欲以釣名師古曰釣取也言若釣魚之謂也

不羈 鄒陽傳不羈之士師古曰不羈言才識高遠不可羈係也

司馬遷傳僕少負不羈之才

感槩 郭解傳少時陰賊感槩師古曰感槩者感意氣而立節槩

也欒布傳婢妾賤人感槩而自殺師古曰感槩謂感念局狹為

靈氣

趙廣漢傳專廣強壯靈氣師古曰逢靈與鋒同言鋒銳之氣

鉤鉅

趙廣漢傳尤善為鉤鉅以得事情晉灼曰鉤致也鉅閉也

使對者無疑若不問而自知衆莫覺所由以閉其術為鉅也

文肆質齷

反騷素初貯厥麗服方何文肆而質齷應劭曰肆

放也齷狹也如淳曰文肆者楚辭遠游乘龍之言也質齷者恨

世不用已而自沈也師古曰齷音械

浮英華湛道德

宿戲浮英華湛道德師古曰湛讀曰沈

英華謂名譽也言外則有美名美譽內則履道崇德也

昭躋

序贊昭躋見戒張晏曰躋是也明其是者戒其非也

骨鯁

陳平傳項王骨鯁之臣

愚劣篇

愚劣

谷永傳永等愚劣

愚朽

又幸得以愚朽之材

委瑣

相如傳豈特委瑣握齒

握齒

酈食其傳握齒好荷禮應劭曰握齒急促之貌師古曰齒

音初角反

么磨

王命論况么磨尚不及數子鄭氏曰磨音麻示也晉灼曰

此骨偏磨之磨也師古曰鄭音是也么磨音微小之稱也磨音

莫可反骨偏磨自音麻與此義不相合晉訛失之

僕邀

息夫躬傳僕邀不足數師古曰僕邀凡短之貌也

蓄縮

又蓄縮不可用師古曰蓄縮謂去於事也

墮弱

又墮弱不任職

縮朒

五行志王侯縮朒不任事之貌也師古曰朒音女六反

選奕

西南夷傳議者選奕師古曰選奕怯不前之意也奕音人

充反

褊陋

律歷志聞學褊陋

頑頓

陳平傳士之頑頓者利無耻者亦多歸漢如淳曰頑頓謂

無廉隅也師古曰頓讀曰鈍

遲頓

翟方進傳遲頓不及事師古曰頓讀曰鈍

駑怯

蘇武傳陵雖駑怯

駑下

王陵傳陛下不知其駑下師古曰駑凡馬之稱非駿者也

故以自喻

疲駑

石奮傳疲駑無以輔治

罷駑

司馬遷傳雖罷駑亦嘗側聞長者遺風矣

下中

李廣傳為人在下中師古曰在下輩之中

儻蕩

陳湯傳儻蕩師古曰儻蕩無行檢也蕩音蕩

儻蕩

史丹傳貌若儻蕩不備師古曰儻蕩踈誕無檢也

木彊

周勃傳為人木彊敦厚師古曰木彊質樸彊音其兩反周

昌贊昌木彊人也師古曰言其彊質如木石然尹齊木彊少文

質木

地里志民俗質木不耻寇盜師古曰質木者無有文飾如

木石然

闢茸

賈誼傳闢茸學顯方師古曰闢茸下材不肖之人司馬遷

傳在闢茸之中師古曰闢茸猥賤也闢下也茸細毛兒言非豪

桀也

驕揚

五行志驕揚奢侈師古曰揚謂振揚張大也

恣睢

又恣睢者衆服虔曰自恣意怒貌

慊枝

地里志民俗慊枝臣瓚曰慊音冀師古曰慊彊也枝堅也

音章跋反

訾窳

又訾窳媮生而亡積聚如淳曰訾或作紫音紫窳音庾師

古曰訾短也窳弱也言短力弱材不能勤作故朝夕取給而無

儲待也

饕餮

禮樂志貪饕險設不閑義理師古曰貪其曰饕言行險曰

設

騫汚

鼠錯傳外亡騫汚之名師古曰騫損也汚辱也

隳詬

賈誼傳隳詬亡節師古曰隳詬謂無志分也隳音胡結反

詬音后

憤眊

息夫躬傳憤眊不知所為師古曰憤心亂也眊目闇也憤

音工內反王莽傳憤眊不潔師古曰憤眊不暵也

夸詐

韓信傳齊夸詐多變

詐諉 執文志上詐諉而奔其信師古曰諉詐言也諉音許遠反
狙詐 表騁狙詐之兵應劭曰狙伺也因間伺隙兵也狙音若

蛆 師古曰音千絮反

懷諛 師丹傳懷諛迷國師古曰諛詐也諛音虛爰反

忤很 成許后傳官吏忤很師古曰忤堅也音之豉反

滌惡 匈奴傳今聞滌惡民貪降其趨晉灼曰滌音滌水之滌邪

惡不正之民

猜禍 王温舒傳徒請召猜禍吏與從事應劭曰取吏好猜疑作

禍害者任用之

意思 公孫弘傳性意思師古曰意思多所忌害也張湯傳湯文

深意思

忤害 匡衡傳或忤害好陷人於罪師古曰忤堅也謂酷害之心

堅也忤音之豉反

清狂 武五子傳清狂不惠蘇林曰凡狂者陰陽脉盡濁今此人

不狂似狂者故言清狂也或曰色理清徐而心不慧曰清狂清

狂如今白癡也

狂易 五行志病狂易師古曰謂病狂而變易其常也

靡薄 董仲舒傳愍世俗之靡薄師古曰靡散薄輕也

屈強 陸賈傳屈強於此師古曰屈音其勿反屈強謂不柔服也

健羨 司馬遷傳去健羨服虔曰門戶健壯也如淳曰知雄守雌

是去健也不見可欲使心不亂是去羨也晉灼曰老子曰善閉者無關鍵嚴君平曰折關破捷使姦者自止服說是也師古曰二義並通捷其偃反然今書本字皆作健字也

衒鬻 東方朔傳自衒鬻者以千數師古曰衒行賣也鬻亦賣也

衒音州縣之縣又音工縣反

柔曼 佞幸替柔曼之傾意師古曰曼澤也言其質柔而色理光

澤也

伉俠 朱博傳伉俠好交師古曰伉健

滑稽 公孫弘替滑稽則東方朔枚臯師古曰滑稽轉利之稱也

滑亂也稽礙也言變亂無留礙也一說稽考也言可滑亂不可

考校也滑音骨

從橫 谷永傳假以威權從橫亂政師古曰從子用反橫胡孟反

踣弛 武紀踣弛之士師古曰踣者踣落無檢局也弛者放廢不

遵禮度也踣音土各反

逋蕩 丙吉傳馭吏數逋蕩師古曰逋亡也蕩放也謂亡其所供

之職而游放也

媮謾 龔勝傳媮謾亡狀師古曰媮古惰字謾讀與慢同

解媢 薛宣傳領職解媢師古曰解讀曰懈媢與慢同

諄謾 成許后傳長書有諄謾師古曰諄惑亂也謾媠汚也諄音

布內反謾與慢同

恐諛

晁錯傳群臣恐諛師古曰直為恐懼曲為諛諛也

素諛

項籍傳趙高素諛日久

唆佞

離騷靈脩既信椒蘭之唆佞兮師古曰唆佞譖言也唆音

妾

慄悍

高紀項羽為人慄悍師古曰慄疾也悍勇也

發舒

陳勝傳客出入愈益發舒言勝故情

彊禦

蓋寬饒傳不畏彊禦師古曰彊梁而禦善者也

陰賊

郭解傳少時陰賊感繫師古曰陰賊者陰懷賊害之意也

幽冥

劉歆傳幽冥而莫知其原師古曰幽冥猶暗昧也

澆淳

黃霸傳澆淳散樸師古曰不雜為淳以水澆之則味雜薄

詭正

元后傳詭正非常師古曰詭違也

寄治

劉向傳行汙而寄治

失序

武陳后傳皇后失序惑於巫祝師古曰言失德義之序而

妄祝詛也

白過

谷永傳舍昭昭之白過

追非

五行志茲謂追非張晏曰追非遂非也

翼姦

董賢傳翼姦以獲封侯師古曰翼進也

孰惡

五行志季氏之惡已孰而孔子之聖方盛以盛聖而易孰

惡師古曰孰成也

敢往

義縱傳治敢往服虔曰敢行暴害之政王溫舒傳擇郡中

豪敢往吏師古曰豪然性果敢一往無所顧

舞知

張湯傳湯舞知以御人師古曰舞弄其智制御他人也

自點

司馬遷傳適足以發笑而自點耳師古曰點汚也

亡賴

高紀始大人常以臣亡賴晉灼曰許慎云賴利也無利入

於家也或曰江淮之間謂小兒多詐狡獪為亡賴張釋之傳尉

亡賴張晏曰材無可恃也

不肖

武紀所任不肖師古曰不肖者言無所象類謂不材之人

也

不佞

文紀寡人不佞師古曰不佞不材也

亡如

霍光傳視丞相亡如也師古曰無如猶言無所象似也

少戇

高紀王陵少戇師古曰戇愚也古音下紺反今則竹巷反

椎少文

周勃傳其椎少文如此應劭曰今俗名拙語為椎儲師

古椎謂樸鈍如椎也音直推反

朽材

孔光傳臣以朽材

瑣材

序贊錯之瑣材

能薄

高紀吾非敢自愛恐能薄師古曰能謂材也能本獸名形

似能足似鹿為物堅中而強力故人之有賢材者謂之能

薄技

司馬遷傳使得奉薄技服虔曰薄技薄材也

卑節

蒯通傳未嘗卑節下意以求仕也

卑字

五行志厭高美之尊稱好匹夫之卑字如淳曰稱張孜家

人是為卑字師古曰為微行故變易姓名谷永傳孟康曰成帝好微行更作私字以相呼

每生 序贊每生作既師古曰每貪也

警者 執文志名家警者為之晉灼曰警詐也師古曰警音工鈞

反

鈞鈇 連上鈞鈇析亂師古曰鈇破也音普葦反又普狄反

不忠首 張湯傳為臣不忠首師古曰不忠之罪放為首

武斷 食貨志并兼豪黨之徒以武斷於鄉曲師古曰恃其饒富

則擅行威罰也斷音丁喚反

豪奪 又大賈畜家不得豪奪吾民矣師古曰豪謂輕侮之也

圍奪 貨殖傳圍奪成家者為雄桀師古曰圍謂禁守其人也

搏掩 又掘冢搏掩犯姦成富師古曰搏掩謂搏擊掩襲取人物

者也搏字或作博一說博六博也掩意錢之屬也皆戲而賭取財物

椎埋 王溫舒傳椎埋為姦師古曰椎殺人而埋之

椎剽 地里志椎剽掘冢師古曰椎殺人而剽劫之剽音頻妙反

豪植 賈誼傳豪植而六彊師古曰植立也

斗筭之材 谷永傳求斗筭之材師古曰筭竹器也斗筭喻小

粟大也

梁椳之材 王命論梁椳之材不荷棟梁之任師古曰梁即薄

櫺所謂枅也枕梁上短柱也梁音節枕音之說反

標末之功 王莽傳標末之功一言之勞師古曰標音匹遙反

尺寸之效 孔光傳卒無尺寸之效

隕其家聲 司馬遷傳李陵既生降隕其家聲孟康曰家世為

將有名聲陵降而隕之也

鄣塞前過 杜周傳苟欲鄣塞前過

簠簋不飾 賈誼傳坐不廉者曰簠簋不飾師古曰簠簋所以

盛飯也方曰簠圓曰簋簠音甫又音扶

帷薄不脩 又坐汙穢者曰帷薄不脩

寇賊姦軌 刑法志寇賊姦軌師古曰寇謂攻剽賊謂殺人在

外為姦在內為軌

不諛 相如傳義征不諛文穎曰諛順也

拙信篇

拙信 蕭何傳拙於一人之下而信於萬乘之上

右賢左戚 文紀右賢左戚師古曰以賢為上然後及親也

體貌 賈誼傳體貌大臣師古曰體貌謂加禮容而敬之

器人 史丹傳若迺器人於絲竹鼓鼙之間如淳曰取人器能也

推擇 韓信傳不得推擇為吏

誰差 眭弘傳誰差天下求索賢人孟康曰誰問差擇也問擇天

下賢人

省見

東方朔傳未得省見師古曰不被省納不得見於天子也
何武傳未嘗省見師古曰省視也言不為武所識拔也

振拔

賓戲振拔滂塗

跨騰

又跨騰風雲

柄用

谷永傳永知鳳方見柄用師古曰言任用之授以權也

攝柄

陳咸傳桑大夫攝公卿之柄

當軸

又當軸處中

析圭

相如傳析圭而爵如淳曰析中分也白藏天子青在諸侯

儋爵

楊雄傳析人之圭儋人之爵師古曰儋荷負也

紆青拖紫

又紆青拖紫朱丹其轂師古曰青紫謂綬色紆紫

也拖曳也拖吐賀反又徒可反

離䟽釋躋

王褒傳離䟽釋躋而享膏梁應劭曰離此䟽食釋

此木躋臣瓚曰以繩為躋也師古曰躋即今之鞋耳瓚說是也

躋音居略反

鼎貴

賈捐之傳顯鼎貴如淳曰鼎言方且貴矣

生貴

田蚡傳生貴甚師古曰生貴謂自尊高示貴寵也

都位

東方朔傳都卿相之位如淳曰都居也

不次

又待以不次之位師古曰不拘常次言超擢也

登等

王莽傳宗臣有九命上公之尊則有九錫登等之寵師古

曰登等謂升於常等也

孟晉

幽通賦蓋孟晉以迨羣兮服虔曰孟勉也晉進也

市權

元后傳莽欲虞樂以市其權張晏曰以遊觀之樂易其權

若市買

乘權

劉向傳乘權藉勢之人

席寵

又產祿席太后之寵師古曰席猶因也若人之坐於席也

多效

田蚡傳言事多效師古曰效謂見聽用

前席

賈誼傳文帝前席師古曰漸促近誼聽說其言也

彈冠

王吉傳貢公彈冠師古曰彈冠者言又仕也

顏行

嚴助傳逆執事之顏行文穎曰顏行猶馬行在前行故曰

顏也師古曰行音胡郎反

賤事

司馬遷傳又迫賤事子虛曰卑賤之事若凡務也師古曰

謂所供職也

過庸

佞幸傳二人之寵取過庸不篤師古曰纔過於常人耳不

能太厚也

過誤之寵

成許后傳備後宮掃除蒙過誤之寵

拭

朱博傳馮翊欲洒卿耻拭用禁師古曰拭拭摩也拭文

粉反

湔洗

武五子傳以湔洗大王師古曰湔澣也洗濯也湔音子顛

反洗音先禮反

游宦

地理志司馬相如游宦京師諸侯

宦游不遂 相如傳長卿久宦游不遂而困

留落不耦 霍去病傳諸宿將常留落不耦師古曰留謂遲留

落謂謬落故不諧耦而無功也

倦游 司馬相如傳長卿故倦游文穎曰倦疲也言疲厭游學博

物多能也

數奇 李廣傳廣數奇孟康曰奇隻不耦也師古曰言廣命隻不

耦合也數音所角反奇音居宜反

復跼 段會宗傳終更亟還亦足以復鴈門之跼應劭曰跼隻也

會宗從沛郡下為鴈門又坐法免為跼隻不耦也師古曰復猶

補也跼居宜反

無階 匡衡傳但以無階朝廷師古曰階謂阶次也

墮僚 韋玄成傳五世墮僚至我節侯應劭曰自孟至賢五世無

官墮空也

左遷 張蒼傳吾極知其左遷師古曰是時尊右而卑左故謂貶

秩為左遷

寡耦 東方朔傳寡耦少徒師古曰耦合也

抑厭 劉向傳抑厭遂退師古曰厭音一甲反謂不伸也

陷假 王莽傳遭時不行陷假離朝師古曰假非也陷假者被陷

害而去所升之位

拓落 楊雄傳何為官之拓落也師古曰拓落不耦也

落魄

酈食甘傳家貧落魄鄭氏曰魄音薄師古曰落魄失業無

盜也

孤特

劉向傳孤特寡助

奧滌

王襄傳去卑辱奧滌而升本朝張晏曰奧幽也深狎也言

散奧滌汙不章顯也師古曰滌音先列反

勾貞

陳湯傳家貧勾貞無節師古曰勾乞也貞音吐得反

乞貞

韓王信傳旦暮乞貞變夷師古曰貞音吐得反

居約

張耳傳耳餘始居約時晉灼曰始在貧賤儉約之時

仄陋

循吏傳孝宣絲仄陋而登至尊師古曰仄陋言非正統而

身經微賤也

白屋

蕭望之傳恐非周公致白屋之意師古曰白屋謂白茅之

屋以茅覆之賤人所居蓋音合

無聊

吳王傳計乃無聊

無俚

樂布傳其書無俚之至耳晉灼曰揚雄方言曰俚聊也許

慎白賴也為其計畫無所聊賴

不相聊

張耳傳使天下父子不相聊師古曰言無聊賴以相保

養

浮湛

袁盎傳與閭里浮湛師古曰湛讀曰沈司馬遷傳從俗浮

湛

隱約

司馬遷傳詩書隱約師古曰隱憂也約屈也

漢書卷第三



卷三

九

